

Ugovorne strane:

1. Ministarstvo unutrašnjih poslova Kantona Sarajevo, Sarajevo Ul. La Benevolencije broj 16, koje zastupa ministar Admir Katica (daljem tekstu: Kupac) i

2. R&S d.o.o. Sarajevo, Igmanska bb, Sarajevo, koje zastupa direktor Damir Pahor (u daljem tekstu: Dobavljač)

zaključili su:

UGOVOR

nabavka opreme u svrhu opremanja šalter sale u PU Novi Grad

PREDMET UGOVORA

Član 1.

Predmet ovog Ugovora je nabavka opreme u svrhu opremanja šalter sale u PU Novi Grad, za potrebe Ministarstva unutrašnjih poslova Kantona Sarajevo.

Postupak je proveden na osnovu Odluke o pokretanju postupka, broj 04-1-11-4-26529/24 od 11.06.2024. godine i Obavijestjenja o nabavci broj 1364-1-1-77-3-56/24 od 21.06.2024. godine putem otvorenog postupka.

Ugovor se zaključuje u skladu sa ponudom Dobavljača, broj 1207/24 od 12.07.2024. godine, koja čini sastavni dio ovog Ugovora.

Član 2.

Ukupna vrijednost ugovora za opremu iz člana 1. ovog Ugovora, iznosi 248.825,52 KM (dvijestotinečetrestosamhiljadaosamstotinadvadesetpet i 52/100 KM) bez PDV-a.

Ugovorena vrijednost uključuje, pored navedenog i pakovanje, transport i montažu na licu mjesta.

NAČIN PLAĆANJA

Član 3.

Kupac će Dobavljaču izvršiti plaćanje ugovorene vrijednosti iz člana 2. ovog Ugovora u roku od 30 (trideset) dana od dana isporuke i ugradnje.

ROK ISPORUKE

Član 4.

Ponudač se obavezuje da će isporuku izvršiti u roku od 90 dana od dana obostranog potpisivanja ugovora, a u skladu sa Predračunom koji je dobavljač dužan odmah dostaviti na zahtjev Kupca.

GARANTNI ROK ZA ISPORUČENE PROIZVODE

Član 5.

Ponudač na isporučenu robu daje garanciju od 24 mjeseca od dana isporuke i ugradnje.

Sve naknadne troškove nastale nakon isporuke predmetne nabavke, a koje se odnose na kvalitet koje je potrebno osigurati, osim šteta koje izazovu operateri Kupca, ili koji nastanu njihovim uticajem, snosit će Dobavljač i sve takve eventualne isporuke bit će za Kupca besplatne i isporučene.

GARANCIJA ZA UREDNO IZVRŠENJE UGOVORA

Član 6.

Dobavljač se obavezuje da u roku od 10 dana od dana zaključivanja, obostranog potpisivanja ugovora, dostavi garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

OSTALE ODREDBE

Član 7.

Dobavljač nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju ugovora.

Član 8.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u ugovoru pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 9.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova utvrđuje se nadležnost Suda u Sarajevu.

Član 10.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 11.

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti.

Član 12.

Ovaj ugovor je sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

DOBAVLJAČ

R&S d.o.o. Sarajevo

direktor, Damir Pahor

Broj: 011/17

Datum: 02.09.2014

KUPAC

**MINISTARSTVO UNUTRAŠNJIH POSLOVA
KANTONA SARAJEVO**

ministar, Admir Katica

Broj: 04-1-11-4-26529-4/24

Datum: 22.07.2024. godine